



Arkivnr: 2017/635-1

Saksbehandlar: Marianne Haaland

## Saksframlegg

### Saksgang

Utval	Saknr.	Møtedato
Utval for opplæring og helse		07.02.2017

## Invitasjon til Hordaland fylkeskommune om deltaking i KS sitt skuleeigarprogram 2017-18

### Samandrag

Fylkesrådmannen har motteke invitasjon frå KS om å delta i KS sitt utviklingsprogram for kommunale og fylkeskommunale skuleeigarar

### Forslag til vedtak

1. Utval for opplæring og helse stiller seg positiv til å delta i utviklingsprogrammet «Den gode barnehage- og skuleeigar» og vil nemne opp to politiske representantar frå utvalet som skal delta i den fylkeskommunale satsinga i programperioden

Rune Haugsdal  
fylkesrådmann

Svein Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

**Fylkesrådmannen, 24.01.2017**

Fylkesrådmannen viser til invitasjon frå KS v/Sølvi Olrich om å delta i KS sitt utviklingsprogram for kommunale og fylkeskommunale skuleeigarar.

«Den gode barnehage- og skuleeigar» er eit utviklingsprogram for politikarar og administrative leiarar med målsetjing om å betre barnehage- og skuleeigarskapen både gjennom å tilføre kunnskap og gje oppgåver som inspirerer til både refleksjon og konkrete lokale tiltak.

Programmet er ei vidareutvikling av «Den gode skuleeier» (DGS), som har vore prøvd i mange fylke som eit tiltak for å realisere måla i KS sin eigarstrategi for skule.

(Lekkje til DGS her:

<http://www.ks.no/fagomrader/utdanning-og-oppvekst/skole/dgs-den-gode-skuleeier/> )

Ei evaluering av programmet i juni -16 konkluderer mellom anna med at dei som har delteke i programmet, opplever ein vesentleg tettare kontakt mellom politisk nivå og administrasjon på skuleeigarnivå. Deltakarane melder at dei har fått styrka sin kompetanse som skuleeigarar, spesielt gjeld dette politisk nivå, og dessutan å ha utvikla eit felles språk og ein felles ståstad som er positivt for samhandlinga administrasjon/politikk i det vidare utviklingsarbeidet.

(Sjå evalueringsrapporten her:

[http://www.ks.no/contentassets/a25f5586a8df41efbf3c8898cfde4987/20160614\\_evaluering-av-programmet-den-gode-skuleeier\\_rapport.pdf](http://www.ks.no/contentassets/a25f5586a8df41efbf3c8898cfde4987/20160614_evaluering-av-programmet-den-gode-skuleeier_rapport.pdf) )

Ei styringsgruppe samansett av representantar frå KS Hordaland, Hordaland fylkeskommune og Fylkesmannen i Hordaland har utarbeidd eit program som vert tilbydd alle kommunar i Hordaland innan utgangen av september. Programmet har vore handsama i KS Hordaland sine fylkesstyre og rådmannsutval, som begge er svært positive til denne satsinga, og begge håpar på stor deltaking.

Programmet tek sikte på å skape ein berekraftig og god lokal prosess som let seg gjennomføre i tillegg til den daglege drifta: Tre lunsj-til-lunsj-samlingar, over 1 ½ år og ei erfaringssamling om lag eitt år etter avslutta program. Første samling vert 23. og 24. mars 2017.

Kvar kommune og fylkeskommunen er oppmoda om å delta med både folkevalde, rådmenn, leiarar og hovudtillitsvalde, minst åtte personar frå kvar kommune/ fylkeskommune, slik at kommunen/ fylkeskommunen kan få til ein god prosess og eit godt resultat saman.

Kostnader vil kunne dekkast ved at det blir nytta OU-midlar til føredragshaldarar og prosesseiar, dvs. at deltakande kommunar/fylkeskommunen berre må dekkje reise- og opphaldsutgifter for sine deltakarar, og det er viktig å ta høgde for dette i budsjettarbeidet.

Invitasjon med meir informasjon er vedlagt saka.

**Forslag til vedtak:**

Utval for opplæring og helse stiller seg positiv til å delta i utviklingsprogrammet «Den gode barnehage- og skuleeigar», og vil nemne opp to politiske representantar frå utvalet som skal delta i den fylkeskommunale satsinga i programperioden.